



Pou Piblikasyon Imedya: 28/07/2022

GOUVÈNÈ KATHY HOCHUL

**GOUVÈNÈ HOCHUL ANKOURAJE NOUYÒKÈ YO POU YO PREPARE POU GWO
TANPÈT LORAJ JEDI NAN APRÈMIDI AK NAN ASWÈ**

Yo prevwa gwo tanpèt loraj nan rejyon Santral ak Lès New York

Rafal van ki kapab koze dega, branch pye bwa ak liy elektrik ki ka tonbe, ak inondasyon lokalize nan zòn ki ba yo posib

Rada ki rapòte Sèvis Meteyo Nasyonal la te konfime toubiyon nan Konte Wyoming nan jedi

Gouvènè Hochul egzòte Nouyòkè yo pou yo itilize pridans epi rete vijilan pandan vwayaj nan jedi swa

Gouvènè Kathy Hochul te ankouraje Nouyòkè yo jodi a pou yo prepare yo pou gwo tanpèt loraj ki sevè prevwa enpakte pifò eta a nan jedi apremidi epi pou kontinye nan aswè.

"N ap siveye ak anpil atansyon previzyon an jodi a paske gwo tanpèt ka afekte anpil kote nan Eta a aswè a, ak rapò sou yon tònad tou kout ki te pase nan Konte Wyoming", **Gouvènè Hochul te deklare**. "Mwen ap ankouraje tout Nouyòkè yo pou yo prete atansyon ak previzyon lokal yo epi pou yo enskri pou alèt ijans pou yo ka pran mezi pou yo rete an sekirite anvan move tan."

Sant Prediksyon Tanpèt (Storm Prediction Center) Sèvis Meteyowolojik Nasyonal (National Weather Service) la mete majorite pati nan Eta anba yon gwo siveyans kont loraj jiska 8PM. Tanpèt sa yo kapab pote van ki ka lakòz domaj, ki ase fò pou jete pye bwa ak liy elektrik yo - sa ki ka lakòz blakawout, lagrèl ki ka rive jiska e petèt depase yon pous nan dyamèt, ak gwo lapli ki ka lakòz inondasyon rapid ki izole

Komisè Divizyon Sekirite Enteryè ak Sèvis Ijans Eta a, Jackie Bray, te deklare, "Nouyòkè yo ta dwe prepare pou move tan k ap afekte pifò kote nan eta a jiska aswè a. Kounye a DHSES ap siveye kondisyon metewolojik yo nan tout eta a epi kominike avèk patnè nou yo nan gouvènman lokal la pou asire yo pare pou nenpòt enpak ki gen rapò ak tanpèt la. Gouvènè Hochul ak mwen ap mande tout moun pou yo

rete enfòm jodi a, enskri pou alèt yo epi swiv previzyon lokal ou yo paske kondisyon yo ka chanje pandan jounen an."

Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Meteyowolojik Nasyonal (National Weather Service) la nan <https://alerts.weather.gov>. Nou ankouraje Nouyòkè yo pou enskri pou alèt ijans lè yo abone nan Alè NY nan <https://alert.ny.gov>, yon sèvis gratis ki bay enfòmasyon ijans gratis sou telefòn ak òdinatè ou atravè tèks/apèl/imèl.

Konsèy Sekirite pou Move Tan

Preparasyon

- Konnte kote ou rete a epi non vil ki toupre yo. Yo bay avètisman sou move tan vyolan yo pa konnte.
- Chèche konnen wout ki gen mwens danje a pou soti lakay ou oubyen biznis ou, pou rive sou teren pi wo ki pa gen danje sizoka ou dwe kite nan prese.
- Devlope epi pratike yon plan "evakyasyon fanmi" epi idantifye yon espas rankont si manm fanmi an vin separe.
- Fè yon lis detaye tout bagay ki gen valè tankou mèb, rad ak lòt objè pèsònèl. Kenbe lis la yon kote ki gen sekirite.
- Fè rezèv estòk ijans manje nan bwat, medikaman ak atik premye swen epi dlo potab. Sere dlo potab nan veso pwòp ki byen fèmen.
- Planifye sa w ap fè ak bèt ou gen nan kay la.
- Kenbe sou lamèn yon radyo pòtab, flach, batri anplis ak ekipman pou fè manje nan sitiasyon ijans.
- Kenbe machin ou ak gaz oswa chaj. Si kouran elektrik la koupe, estasyon gazolin ka p ap ka bay gaz pandan plizyè jou. Kenbe yon ti pwovizyon nan kòf machin ou sizoka ta gen katastwòf.

Kenbe twous katastwòf la sou men, avèk ladan:

- Flach ak pil siplemantè
- Radyo ki fonksyone ak batri ak batri ekstra yo
- Twous premye swen ak manyèl
- Manje ak dlo pou ijans
- Kle ki pa elektrik pou ouvri kanèt yo
- Medsin esansyèl yo
- Chekye, lajan kach, kat kredi, kat ATM

Tònad

- Si ou deyò, epi yo pibliye yon Avètisman Tònad, chècheabri imedyatman. Si w pa gen okenn kote tou prè w pou w mete w alabri, kouche plat atè nan yon fose oswa yon kote ki ba epi mete men w sou tèt ou.
- Si ou lakay ou oswa nan yon ti bilding, ale nan sousòl lan oswa nan yon pyès pa andedan nan etaj ki pi ba a. Pa kanpe bò fenèt yo. Plaka, chanm deben, ak lòt espas chanm enteryè yo ap pwoteje w pi byen. Antre anba yon bagay ki solid oswa kouvri tèt ou ak yon matla.

- Si ou nan yon lekòl, yon lopital, oswa yon sant komèsyal, ale nan zònabri yo deziyen alavans lan. Pa kanpe nan espas ouvè ki laj yo aswa bò fenèt yo. Pa soti deyò pou al nan machin ou.
- Si ou nan yon bilding ki wo anpil, ale nan yon ti pyès pa andedan oswa nan koulwa nan etaj ki pi ba posib lan. Pa pran asansè - pran eskalye pito.

Inondasyon Eklè

- Pa janm eseye kondi nan yon wout ki inonde. Vire tounen epi fè yon lòt wout.
- Si dlo a kòmanse monte rapid bò kote ou, abandone machin lan imedyatman.
- Pa souzestime pwisans destriksyon dlo k ap kouri vit. De pye dlo inondasyon k ap kouri rapid pral fè machin ou flote epi dlo k ap kouri ak yon vitès 3.2 kilomèt pa èdtan ka pote ale machin ki sou wout oswa sou yon pon.

Zeklè

- Swiv enstwiksyon 30-30: Si tan ant moman ou wè ekla zeklè an epi koute kout loraj la se 30 segonn oswa mwens, kout zeklè an pre ase pou li frape ou. Chècheabri imedyatman. Apre dènye ekla zeklè an, rete tann 30 minit anvan ou soti nanabri ou an.
- Kout zeklè yo frape bagay ki pi wo an. Si ou sou yon liy pye bwa, kouri ale anba l epi kwoupi si ou nan yon zòn ki ekspoze.
- Si ou pa kapab ale nan yonabri, rete lwen pye bwa yo. Si pa genabri, kwoupi nan zòn ki ekspoze, epi rete lwen a yon distans doub fwa longè pye bwa a.

Pou plis konsèy sou sekirite, ale sou sitwèb Divizyon Sekirite Enteryè ak Sèvis Ijans (Division of Homeland Security and Emergency Services) Eta New York la nan www.dhSES.ny.gov/safety.

###

Lòt nouvel disponib sou sit www.governor.ny.gov
 Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)